

զաքն և օւերէին, և ոչ երկնչէին յիշխանութենէ Սուլթանին. Բդեշխ քաղաքին սակաւաթիւ զօրօք անկարող էր զպել զնոսա, մինչեւ համարձակիլ նոցա մտանել յԵրուսաղէմ և կողոպտել զորս և գտանէին, և Բդեշխն չկարեր ասել ինչ:

Պատճառ յափշտակելոյ զՍիոն, խնդրեալ են տաճիկք սակաւ մի քացախ 'ի միաբանութենէ Լատինաց, և նոցա զլացեալ՝ յափշտակեն, այսպէս գրի 'ի նամակին դրեալ առ Աղէքսանդր Կաթողիկոս, յետ իբր 150 ամաց:

Ահաւասիկ պատճեն Հայկական ձեռագիր յիշատակարանին, զոր խոստացաք 'ի վեր անդր:

Ի թուին Հայոց ՌԳ (1554): Ակիզքն եղև նորոգութեան և հաստատութեան սիրոյ դաշին ազգին Հայոց ընդ Հռոմայեցիս, 'ի ձեռն Տէր Անդրիաս և Տէր Աստուածատուր Ս. Արքեպիսկոպոսաց առաջնորդաց առաքելական Ս. Աթոռոյս Երուսաղէմի հանդերձ ամենայն միաբան եղբայրութեամբ:

Եւ այս եղև ըստ այսմ օրինակի: Ի ժամանակս իշխանութեան Սուլթան Սիւլէյման Կայսեր Թուրքաց՝ առին Արաբացիք զվանս Սիոնի 'ի ձեռաց Լատինաց և արտաքսեցին զնոսա անտի, եւ նոցա տարակուսեալ դեգերէին այսր անդր չգտեալ տեղի բնակութեան: Ապա խորհրդով զլիսաւորաց նոցին, գնացին ոմանք 'ի նոցանէ 'ի Կոստանդինուպօլիս, եւ մատուցին զիր աղաչանաց առ արքայ, խնդրելով տեղի բնակութեան յԵրուսաղէմ. Սուլթանն հրաման ետ նոցա ընտրել տեղի, ուր և ինքեանք հաճեսցին և բնակեսցին անդ: Սակայն Լատինք հաստատեալ էին 'ի միտս իւրեանց ունել վանս ինչ, որոյ վանս բազում անգամ 'ի ժողով գումարեալ խորհէին 'ի վերայ այսր, բայց չկարացեալ գտանել զեւս հնարից, դիմեցին առ ազգն Հայոց, յիշելով զառաջին սէրն և զմիաբանութիւնն զոր ունէին յառաջագոյն 'ի Հարց անտի, գերագոյն համարեալ քան զամենայն ազգս քրիստոնէից, և յայտարարին սիրով և մտերմօրար զխորհուրդս իւրեանց՝ քահանայից և զլիսաւորաց ազգին, թէ ո՞րպէս յափշտակեցաւ վանքն Սիոնի, եւ թէ զիւրօր կրօնաւորք նոցին առանց տեղոյ և բնակութեան թափառին աստանդական, ապա